

Ba Exelénsia Vise Ministru Saúde **Luis Lobato**, Sekretáriu Administradór Munisípiu Manatuto **Agripino Costa**, ami-nia parseiru-sira iha governu lokál no nasionál, membru comunidade sira, no klaru, Estadus Unidus nia Navál Seabees. Bom dia.

Ha'u haksolok ohin mai iha ne'e ho imi hotu lori Embaixada Amérika iha Timor-Leste nia naran hodi loke Sentru Saúde Uma Kaduak nia fasilidade foun ne'e.

Ida ne'e mak foun liu hosi projetu-sira ne'ebé Estadus Unidus nia Navál Seabees kompleta ona hafoin besik dékada ida halo knaar iha Timor-Leste.

Liu hosi serbisu hamutuk ho membrus governu Timorensé, militar no sociedade sivil sira iha projetus infraestrutúra oin-oin, Seabees hatudu-ona saida mak ita bele atinje bainhira ita serbisu hamutuk.

Estadus Unidus orgullu ho obra ne'e. Fasilidade foun ne'e sei fornese asesu kuidadu médiku di'ak liu tan ho kualidade no serbi hanesan rekursu valiozu ida ba membru comunidade lokál sira hamutuk rihun tolu atus lima (3,500).

Ha'u hakarak agradese NMCB FOUR, Ministériu Saúde, no parseirus oin-oin ne'ebé kolabora-ona iha esforsu notável ida ne'e.

Ami hein bele serbisu hamutuk ho Ministériu Saúde, ho militar Timor-Leste F-FDTL no parseiru-sira seluk atu dezenvolve projetus barak liu tan hanesan ne'e iha futuro, ne'ebé benefisia povu Timorensé no Amerikanu.

Obrigada permite ona ha'u no ha'u-nia kolega-sira hotu hosi Embaixada Estadus Unidus mai iha ne'e ohin hodi fahe susesu furak ne'e ho imi. Parabéns ba ami-nia parseiru-sira no belun-sira hotu. *Obrigada barak.*